



Na osnovu člana 7. stav (2) Zakona o budžetima u Federaciji Bosne i Hercegovine („Službene novine Federacije BiH“, br. 102/13, 09/14, 13/14, 08/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 13. Zakona o principima lokalne samouprave u Federaciji BiH („Službene novine Federacije BiH“, br. 49/06 i 51/09) i člana 19. tačka 3. Statuta Općine Novo Sarajevo („Službene novine Kantona Sarajevo“, br. 5/20-prečišćeni tekst i 20/20-ispravka), Općinsko vijeće Novo Sarajevo na 12. redovnoj sjednici održanoj dana 23.04.2026. godine, donijelo je

## ODLUKU

### o izmjenama i dopunama Odluke o izvršavanju Budžeta Općine Novo Sarajevo za 2026. godinu

#### Član 1.

##### (Izmjena člana 15.)

U članu 15. Odluke o izvršavanju Budžeta Općine Novo Sarajevo za 2026. godinu ("Službene novine Kantona Sarajevo", broj 1/26), briše se stav (6) koji glasi:

*„Sredstva utvrđena u Budžetu na ekonomskom kodu 613900 - Subvencioniranje virtuelnih kancelarija za start-up - Pružalac ove usluge bit će odabran putem odgovarajućeg postupka javne nabavke, dok će se kriteriji i uslovi za dodjelu sredstava pobliže definisati Pravilnikom Općinske načelnice. Korisnici će biti odabrani putem javnog poziva, a na osnovu prijedloga komisije, Zaključka Općinske načelnice i ugovora o dodjeli sredstava, putem nadležne Službe.“*

#### Član 2.

##### (Dopuna člana 16.)

U članu 16. stav (1) Odluke o izvršavanju Budžeta Općine Novo Sarajevo za 2026. godinu ("Službene novine Kantona Sarajevo", broj 1/26), dodaje se nova tačka n) koja glasi:

*„Pomoć drugim jedinicama lokalne samouprave - planirana je s ciljem jačanja međusobne saradnje, solidarnosti i ravnomjernog razvoja između jedinica lokalne samouprave.*

*Sredstva na ovoj poziciji usmjeravaju se na finansijsku podršku drugim općinama i gradovima u BiH, a za realizaciju projekata od zajedničkog interesa, posebno u oblastima infrastrukture, kulture, sporta, drugih društveno značajnih aktivnosti. Poseban prioritet imaju projekti od šireg društvenog značaja, koji doprinose očuvanju i unapređenju kulturno-historijskog naslijeđa te jačanju identiteta države i naroda Bosne i Hercegovine.*

*Planiranje ove pozicije zasniva se na principima uzajamnosti, efikasnog korištenja javnih sredstava i doprinosa ukupnom društveno-ekonomskom razvoju šire zajednice. Sredstva će se realizovati putem Zaključka Općinske načelnice, ugovora/sporazuma putem nadležne Službe“*

U članu 16. stav (3) Odluke o izvršavanju Budžeta Općine Novo Sarajevo za 2026. godinu ("Službene novine Kantona Sarajevo", broj 1/26), dodaje se nova tačka gg) koja glasi:

*„Transfer za sufinansiranje festivalskih aktivnosti na području Općine Novo Sarajevo - planirana je s ciljem unapređenja kulturnog, turističkog i društvenog života lokalne zajednice, te promocije Općine kao prepoznatljive destinacije za organizaciju kulturnih i zabavnih događaja.*

*Sredstva na ovoj poziciji namijenjena su za sufinansiranje organizacije festivala i srodnih manifestacija koje doprinose razvoju kulture, umjetnosti, kreativnih industrija i turizma, kao i jačanju lokalnog identiteta i društvene kohezije.*

*Sredstva će se realizovati na osnovu Odluke Općinske načelnice, javnog poziva, prijedloga Komisije, Zaključka Općinske načelnice i ugovora o realizaciji sredstava“*

U članu 16. stav (5) Odluke o izvršavanju Budžeta Općine Novo Sarajevo za 2026. godinu ("Službene novine Kantona Sarajevo", broj 1/26), dodaje se nova tačka f) koja glasi:

„Subvencioniranje virtuelnih kancelarija za start-up - Pružalac ove usluge bit će odabran putem odgovarajućeg postupka javne nabavke, dok će se kriteriji i uslovi za dodjelu sredstava pobliže definisati Pravilnikom Općinske načelnice. Korisnici će biti odabrani putem javnog poziva, a na osnovu prijedloga komisije, Zaključka Općinske načelnice i ugovora o dodjeli sredstava, putem nadležne Službe.“

### Član 3.

#### (Izmjena i dopuna člana 23.)

U članu 23. Odluke o izvršavanju Budžeta Općine Novo Sarajevo za 2026. godinu ("Službene novine Kantona Sarajevo", broj 1/26), mijenja se stav (2) i sada glasi:

„Korisnici budžetskih sredstava koji nisu adekvatno i u utvrđenom roku opravdali sredstva, ne mogu biti korisnici sredstava Budžeta Općine za naredne godine i moraju izvršiti povrat neopravdanih sredstava na transakcijski račun Općine, najkasnije do 15.01.2027. godine.“

U članu 23. Odluke o izvršavanju Budžeta Općine Novo Sarajevo za 2026. godinu ("Službene novine Kantona Sarajevo", broj 1/26), dodaje se novi stav (2), koji glasi:

„Izuzetno od stava (1) ovog člana, za dodijeljena sredstva namijenjena za realizaciju kapitalnih projekata može se odobriti produženje roka za pravdanje utroška sredstava, najkasnije do 30.06.2027. godine, uz obrazloženi zahtjev korisnika i saglasnost nadležne općinske službe.“

Dosadašnji stavovi (2), (3), (4), (5), (6), (7) postaju stavovi (3), (4), (5), (6), (7) i (8).

### Član 4.

#### (Stupanje na snagu)

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj: 02OV-01-1-4341/26  
Sarajevo, 23.04.2026. godine

